

Sierninger Rud

Rudenkirtag Sierning Faschingdienstag 13.2.2018



<p>1</p> <p>Jetzt is' wieder mal soweit, bei uns in Siarng is Rudenzeit. Von St. Valentin bis Riad, kemmans her - mit ean Liad. A die Leit vo Aschach d'rent, san vom Berg - oba g'rennt. Kinnans euch - net vadenga, da in Siarng is oafoch schena.</p>	<p>2</p> <p>In Peter Pilz, den feinen Herrn, hats jetzt z'rissn - samt die Grean. Über d'Joahre hat a wüd, in Moralapostel g'spüht. Daweil lockt des kloane Schwammerl, a jeds Dirndl in sei Kammerl. Hoffentli' kriagt er am Schluss, mit Eierschwammerl sein Vadruss!</p>
<p>3</p> <p>Im Raika Vorstand – es is bekannt, geht's weng da BUWOG durcheinand! Als Bauernopfer ungeniert – haums in Starzer abmontiert. Daweil is an jedn kloar, wer da Chefstrategie war! Mochans wie die Affn gscheart, habm nix gseng - nix gredt - nix gheart.</p>	<p>4</p> <p>Als Mau muaßt sakrisch drauf schau, was'd nu dearfst - bei die Fraun. Machst a liabs Kompliment, wiarst glei Macho - Schwein g'nennt. mit am Dapscherl auf die Knia, machst die strafboar, kimmt uns fiar. Willst in Zukunft dei' Ruah, legst da a' Gummipuppn zua.</p>
<p>5</p> <p>Habts scho g'heart, da Binder Walter, Wird gaunz ei'wendi im Alter. Is mit da sein - Oarm in Oarm, zan Papst noch Rom - obi gfoarn. Wias in d' Kircha einikemman, Und vorm heiligen Vater stengan, schaunts der an und frogt vadutzt, ob d' Beicht ban Sperker nix mehr nutzt.</p>	<p>6</p> <p>Ban Hackl warns - wias so lauft, durch Selbstbedienung ausvakaufft. Zwoanzg Elektro-Bike oh Schreck - warn über Nocht- ratz fatz weg. Und da Willi, - wiff und hell, find' den Grund dafür ganz schnell: Ohne in Charme vo seiner Frau, gengan d' Radl weg wie d' Sau.</p>
<p>7</p> <p>Neban Fokus - von da Pfoar, Bauns an Prachtbau - fia dö Gmoa. Jeder fragt in Burgamasta, Woher kimmt der vüle Zasta? Geht a goar min Pfarrer Sperker, nebenbei - hoamli werka. Spiels Theater gar net ohne, als Don Camillo und Peppone.</p>	<p>8</p> <p>Da Bachner Franz - wias nan kennts, hat als graue Eminenz, nach an Rudenobmann g'schaut, der als kann und der sie traut. Muaß a G'wicht habm bei die Altn, ehrsam sei - sie brav - verhaltn. Und vom G'wicht, kimmt uns vur, hat da Bert Hundsberger g'nua.</p>
<p>9</p> <p>Ban Energie spoarn - woas a jeder, is da Wolfinger - koa Bleder. Fahrt sei Auto - ganz elektrisch, auf'd Welser Meß - a weng z' hektisch. auf amal - passiert's - oh Graus, ois bleibt stehn - da Saft is aus. Koa Wunder das dahoam nix geht, wauna nur mehr auswärts steht.</p>	<p>10</p> <p>An Maun - den jeder kenna sollt, Is da Mandorfer Pold. Kriagt an Motor er in d'Händ, is er in sein Element. Da wird gschrauft und gfluacht wanns hunzt, koana woäß - obs was nutzt. Jedenfalls - stinkt der G'söll, s'gaunze Joahr nach Motoröl.</p>
<p>11</p> <p>Nochn Singa - ziangs durchs Doarf, Allesaumt - muards drum schoarf. Jede Wocha - noch da Prob, lossn's Daumpf o - gar net lob. Und wauns daun im Wirtshaus sitzn Faungan d' Mauna au zan schwitzn san explosiv - wie a Granate Die Weiberleit vom Chor Cantate</p>	<p>12</p> <p>A guata Bock treibt sei Reh, Durchn Wald und übern Klee. Nur in Siarng is net a so, Do wird brunft'lt – anderswo. Ins Halusa Schwimmbad glei, springan D'Jaga nockad drein. die geilen Böck – treibn dort im Kroas, d'Halusarin - die guate Goas</p>

Bonus Gstanzl:

**Da Wolfgang is a Talent,
weil er weltweit alle kennt.
In da Pfoar - a braver Lektor,
in Bad Hall - Bankdirektor.**

**Schaunts'n an - steht eam gut,
da Busch - am Huat.
Mia tan herzlich gratuliern,
dem neichen Tanzherrn va Siagn.**